

Katekese

ba Pre-adolescente

iha

Oratorio

XXI

EMA NE'EBÉ HETAN KNAAR IHA MISA
92-107

Objetivu

Pre-Adolexente sira hatene se deit mak bele celebra Misa

Pre-Adolexente sira kompreende sira nia knaar iha Misa

Pre-Adolexente sira hadomi sira nia knaar iha Misa

Knananuk:

ITA HAMUTUK HO DOMIN**S-38**

*Ita mai hamutuk, hamutuk ho domin
adora Na'i laran luak.*

Ita agradese, hananu hamutuk, hahi ba Na'i rohan laek.

1. Na'i nia domin boot tebes, tane ita nafatin.
Ohin ita mai hamutuk hahi Na'i to'o rohan laek.
2. Hahi Na'i nia knaar, Na'i nia liman knaar tomak
ukun moris raiklaran iha Maromak nia gloria.
3. Moris husik ba bei-beik, ita hanoin nafatin,
maibe Na'i nia domin, hahi ba Na'i to'o rohan laek.
4. Moris ho ita nia knaar, buras iha Nia domin,
ita halibur hamutuk, hahi Na'i to'o rohan laek.

Maromak Niaa Futtar Liafuan Mt 10: 1- 15

Jesus fihir apostolu sira hodi fo knaar ba sira

¹Nia bolu nia eskolante sira na'in sanulu resin rua hodi fo kbiit ba sira atu duni sai espirtu foer sira, no mos atu fo isin diak ba sira hotu nebe terus moras oi-oin. ²Apostolu sira nia naran mak ne'e: ida uluk, Simao nebe ema hanaran Pedro, ho nia alin Andre; Tiago, Zebedeu nia oan, ho nia alin Joao; ³Filipe ho Bartolomeu, Tome ho Mateus publikanu, Tiago, Alfeu nia oan, ho Tadeu, ⁴Simao Kananeu ho Judas Iscariotes, nebe sei saran Nia.

⁵Jesus haruka ema na'in sanulu resin rua ne'e la'o ba hodi hanorin uluk sira dehan: "Keta tuir gentiu sira nia dalan, keta tama iha Samaritanu sira nia sidade, ⁶maibe buka uluk bibi sira nebe lakon housi umakain Israel nian. ⁷Tuir dalan, haklaken ba katak reinu lalehan besik ona. ⁸Halo mo-

Hanesan ne'e mak ita nia liturjia nia koor no siklu selebrasaun liturjia nian iha tinan ida nia laran. Hanesan ne'e mak ita nia liturjia nia sagradu ka lulik. Nune'e mak ita nia nai ulun sira, Kreda nian halulik ita nia liturjia. Kreda iha mundu tomak halao tuir instrusaun ida ne'e hodi celebra Na'i nia mandatu be dehan "halo ida ne'e hodi hanoin Ha'u" (Lk 22:19). Nune'e ita labele inventa ka aumenta tan ita nia isiativa, ka dehan hanesan beibeik ita halo foun, lae, se hanoin ka halo nune'e ita halo sala. Tamba selebrasaun liturjia nian ne'e laos ita nia inisiativa, maibe ne'e Kristu nia selebrasaun ita halo tuir deit atu hanoin Nia hanesan nia dehan.

Ita nia parte mak ita tuir ka partesipa didiak selebrasaun ne'e ho fuan no laran tomak, hodi hatan no reza orasaun sira iha misa laran, la falta ba misa iha loron domingu no loron boot hanesan ukun fuan sira haruka. Atensaun rona didiak leitura sira be leitores lee, atensaun ba homilia be esplika kona ba leitura sira ne'e nia pratika.

Ita nia selebrasaun liturjia ka Misa laos atu hatene deit, ka hatene ona ne'e los ona. Wainhira hatene tiha ona ne'e mak iha responsabilidade boot liu tan katak moris tuir. Se lae ita hatene maibe la moris tuir karik hanesan animal ida be han lahatene bosu.

ras sira hetan isin diak ba, halo mate sira moris hi'as fali ba, halo moras lepra sira sai mos, duni sai diabu sira. Imi simu hodi la selu, fo mos hodi la hein ema selu imi. ⁹Keta lori osan mean, osan mutin eh osan riti iha imi nia futukabun. ¹⁰La bele lori kohe tuir dalan, hatais tahan rua, sandalias, eh aitonka; basa serbisu na'in soi atu simu nia kolen. ¹¹Wainhira imi tama iha sidade ka knua ruma, husu lai ema se mak diak, hodi hela iha neba to'o imi sai. ¹²Wainhira imi tama iha uma ida, kumprimenta nia ba. ¹³Uma ne'e soi karik, imi nia dame sei tun ba sira; nia la soi karik, imi nia dame sei fila ba imi. ¹⁴Ema la simu imi karik eh rona imi nia liafuan, liki rai rahun housi imi nia ain wainhira imi sai housi uma ka sidade ne'e. ¹⁵Tebes, Ha'u dehan ba imi katak iha loron justisa nian, rai Sodoma no Gomorra sira nia kastigu sei la dun todan hanesan sidade ne'e nian."

Hanesan iha evajellu ita rona, Jezús fihir apostolos sira hodi fo knaar ba sira. Ita sira ne'e ida-idak sai sarani tamba Maromak bolu ita no nia fo knaar mai ita ida-idak hanesan Jezús fo ba nia apostolo sira. Atu celebra liturgia Eukaristia, ita idaidak iha knaar iha selebrasaun ne'e;

Sira ne'ebé iha knaar espesial atu halao liturjia

1. Sira ne'ebé simu ordenasaun

Sira be simu ordenasaun mak, Diákonu, Padre, no Bispu. Sira bé simu ordenasaun ne'e deit mak bele halao/ fo Sakramento sira, se lae sakramentu Batismu iha tempu agonia nian.

Knaar ne'ebé sira halao iha selebrasaun liturjia nian mak knaar ukun nain nian, maski mesak no hamutuk. Tamba iha momentu be sarani sira hali-bur hamutuk iha Kreda laran ne'e, amululik mak nu'udar nia ulun, hasa'e sakrifisiu no sarani harohan ba Maromak. Amululik no Bispu deit mak bele celebra misa no halo omilia.

Iha Misa Diákonu ninia parte mak haklaken Evanjellu, haklaken Maromak nia Liafuan husi tempu ba tempu, hatoo intensaun sira iha Fiar Nain Sira Nia Harohan (oração dos fieis), tulun amululik prepara Altar no serbi selebrasaun sakrifiu nian, fahe komuñau ba fiar nain sira, liu-liu wainhira fo mos Jezús nia Futar Ran, no dala ruma fo hatene ba povu atu hamriik, tur, hakneak, ka lao.

2. Leigo

Leigu sira mos iha nia funsaun barak iha liturjia. Knaar ka funsaun be leigu sira bele halo mak hanesan:

- Leitor (lee Leitura)

- Akólito (serbí iha altar)
- Ministru extra ordinario fahe komunga.
- Koru, salmista, dirijente no organista
- Foti koleta no lori ofertoriu
- Gia sebrasaun
- Guia selebrasaun sakramentalia, hanesan hakoi mate isin, nsst.
- Komentádor no *Caeremoniarius* (nu'udar matadalan ba seremonia)
- Ajuda fahe komunga wainhira presija liu.
- Sa'e ba besik altar, wainhira amululik simu ona komubnga, laos iha momento, reza Ami Aman no Maromak Nia Bibi Oan

Sarani ida-idak iha ninia knaar iha misa. maski nia la hetan knaar especial hanesan foin ita koalia, maibe ita iha knaar atu hatan iha misa no reza iha misa ne'e, laos ba misa hamriik ka tur nonok, halimar, han too misa remata. Ita nia dahuluk sira, fiar nain/ sarani barak mak sai santu, no sira ne'e hotu balun kala laos nailulik no leitores ka akólito, maibe sira sai santu tamba sira fiel ba Misa (reza). Se ita hetan knaar iha misa, ne'e ita presisa serbí ho kuidadu atu la sala, basa ita sai serventa iha Na'i nia festa han hamutuk nian. Banati tuir ita nia dahuluk sira nia lalaok moris nian hodi fo an atu Na'i nia grasa suli liu husi ita too ba ema seluk. Se ita halo nune'e mak ita nia santa, santu sira iha Lalehan sei haksolok ho ita.

XXII

Knananuk no Liturjia

Objetivu

Pre-adolexente sira hatene/distingi knananuk Misa nian no relijiosa nian

Pre-adolexente sira kompreende knananuk nia importansia iha misa

Pre-adolexente sira hadomi knananuk misa nian no hili musika ba misa tuir nia tempu no momentu

Knananuk: **HAKSOLOK LORON OHIN** 10

1. Haksolok loron ohin ba los Na'i Maromak.
Haksolok loron ohin.
2. Haksolok loron ohin, belun sira hananu.
Haksolok loron ohin.


ventu. Iha tempu liturjia ida ne'e konvida ema atu nakfilak-an, matan moris neon nain hodi preparan an atu selebra Festa Natal no Pasku. Kór roxo uza mos wainhira hakohi mate isin no mate bian nia aifunan.

Kór metan: kór ida ne'e hatudu mate, nakukun, tristi, lakon no tauk.

Tempu be uza: kór ida ne'e uza iha tempu selebrasaun ka tempu atu mate/agonia

Kór azul seidauk iha no sei lasai kór liturjia jeralmente. Maibe iha nasaun balun (Epaña no Méxiku), hetan indultu husi Vatikanu atu bele uza estola ka kazula ho kór azul kman, ba Nain Feto nia Festa. Tamba laos kór be jeral (aprova) maka kór ida ne'e nu'udar ornamentu laos kór principal.

Signifika: kór azul simboliza grasa lalehan nian, Na'in nia liman fatin be rohan laek, hatudu mos esperansa, saude, no hahalok serbi nian.



Evajellu hanesan ne'e, ita rona iha tempu liturjia nia rohan, katak iha festa Kristu Liurai nian. Festa ida ne'e mak hakotu ita nia tempu liturjia iha tinan ida nian, hanesan siklu liturjia hatudu. Liu tiha festa ne'e, ita tama ona ba tinan foun liturjia nian. Tempu Adventu mak loke tinan foun liturjia nian ka siklu liturjia foun.

Tuir mai ita sei ba hare mos koor sira be uza iha tempu liturjia ida-idak ka kor liturjia no ninia arti sira.

Mutin: kór tadak ksolok, moos, santu, lalehan no matenek ka importante. kór mutin mos liga ho moris foun, vitória. Kór sira be tama iha kór mutin nian mak, kór osan mean, kór osan mutin no kór krema. Koor hirak ne'e signifika, rahun diak, hahi, vitória no ksolok rohanlaek.

Tempu be uza kór ne'e: iha tempu Natal no Pakoa, kinta-feira Santa, kazamentu, ordenasaun, festa, agradese, nsst.

Kór Mean: kór ida ne'e hatudu ahi no Espíritu Santu. Kór mean mak sinal Maromak nia presenja no Martíriu nia ran, domin, sakrifisiu no kbiit iha tradisaun romano antigu, kór mean uza nu'udar símbolu ukun be aas liu ne'e mak kaisar.

Tempu be uza kór ne'e: kór mean baibain uza iha sexta-feira santa, Pentekostes, domingu ramos, martíriu no Apostolus sira nia festa, tamba sira fakar/ sakrifika sira nia ran no sira nia moris tamba fiar.

Kór matak: kór matak ne'e, dala barak hatudu sinal natureza, buras, esperansa, hakmatek, fresku, nakonu ho moris no agradese.

Tempu be uza kór ne'e: kór ne'e uza iha domingu komún/ bain-bain iha tempu liturjia nian iha tinan tomak ida nia laran. Iha tempu liturgia nian ne'e ema reflète nia moris ho hakmatek, hodi hare ba Nain nia Misaun iha rai ne'e.

Kór Roxo: kór ida ne'e hatudu nakfilak-an, arepende, neon-kraik no laran susar. Kór ida ne'e mos hatudu fidelidade ka loyaldade, matenek (wisdom) neutral, kuidadu liu no matan moris.

Tempu be uza kór ne'e: kór ida ne'e uza iha tempu kuaresma no ad-

3. Haksolok ba ita tomak, lora diak haksolok.
Haksolok ba ita tomak.
4. Maromak sei hamutuk, hamutuk ho ita.
Maromak sei hamutuk. **24**

Jogu hatan perguntas

Animador fahe oratorianu ba grupu. Grupu ida mais oumenus 5-10 ka liu, konforme fatin. Aminador husu perguntas tuir mai ne'e.

1. Padre hatais paramentu Misa nian pronto ona, hein atu sarani sira / koro hananu atu nia tama. Imi hananu ba musika ne'e! (múzika entrada nian ida)
2. Sarani sira halo forma naruk ida hakberik ba santuario (iha ne'ebé tau altar ba), misa iha parte ne'e koro tenki hanahu múzika ida ne'ebé? (hatan ho hananu)
3. Na'i, Aman Santu, hahi Ita nafatin..... Tan ne'e, hamutuk ho anju no santu sira, ami hahi Ita Boot nia naran, hodi hananu: (hatan ho hananu)
4. Misa iha parte ida, ita hare sarani no akólitus lori; ai-funan, lilin, paun, tua nsst, lori ba altar. Momentu ne'e ita hananu knananuk ida ne'ebé? (hatan ho hananu)
5. Animador bele aumnta

Jesus fo hatene nanis katak Pedro sei heli lia

²⁶Hananu tiha knananuk hahi nian ida, sira sa'e ba Foho Oliveira nian. ²⁷Jesus lia tun ba sira, "Imi hotu sei monu, basa hakerek nanis, 'Ha'u sei hakanek bibi atan; bibi sira sei namkari.'" ²⁸Maibe, moris hi'as tiha housi mate, Ha'u sei ba uluk imi iha Galileia." ²⁹Pedro dehan ba Nia, "Maski hot-hotu sei monu, Ha'u lae!" ³⁰Jesus lia tun ba nia, "Tebes Ha'u dehan ba o katak iha kalan ne'e kedas, molok manu kokorek dala rua, o sei heli lia kona ba Ha'u dala tolu." ³¹Maibe Pedro dehan teni maka'as liu tan, "Maski Ha'u mate ho Ita, Ha'u sei la heli lia!" Eskolante sira seluk mos hateten hanesan ne'e.

Iha evanjellu be ita rona ne'e, hatoo mai ita katak sira sa'e ba foho. Molok sira sa'e sira hananu knananuk hahi nian ida. Ema haksolok deit mak hananu, ema tristi nia tanis. Nune'e wainhira ita iha selebrasaun misa ita hotu hananu hatudu ba Maromak katak ita hasolok ho ita nia moris. Ita hasolok, hatudu ho hamanasa, oin midar ba ita nia belun sira, basa ho

belun ida nia haksolok, bele tulun ninia belun ida sai husi terus. Wainhira haksolok lori ita nia belun sira ba ksolok.

Wainhira ita ba misa, ita laos reza deit maibe hananu mos, nune'e ita aprende muzika liu husi rona no hananu. Se karik loron ida, koro la mai, amululik husu ha'u atu hananu iha misa ha'u la hiili sala muzika sira misa nian ka muzika liturjia nian.

Basa muzika iha liturjia la hanesan ho musika sira relijioza nian (pop music). Knananuk liturjia ninia versu/ liafuan foti husi biblia no tuir Kredo nia hanorin, no iha funsaun be espesifiku iha misa ka selebrasaun ruma, tuir Misa nia parte ida-idak. knananuk relijioza nian la iha nia espesifiku.

Hanoin ruma kona ba knananuk iha Misa no selebrasaun

- a. instrumentu, melodia no versu/lifuan sira nafatin fo atensaun ba variante relijiosu, laos ba banda no fo ksolok ka lae. Hasees husi uza melodia no "rhythm" automatiku be 'rame liu'.
- b. Knananuk ne'e, tuir tempu liturjia nian, festa be ita selebra, no tau/ hananu iha nia fatin loos iha liturjia nian. (ofertoria nian la bele ba hananu fali iha entrada)
- c. Hili knananuk be ema hotu bele hananu
- d. Iha akklamasaun la bele hananu fali salmo responsorial, se lae iha difikuldade boot liu.
- e. Tempu komunga nian tenki fo tempo nonok oituan. Tan ne'e karik tempu komunga husi hahu ka ikus nian diak liu nonok deit. Iha tempu komunga nian labele hananu, knananuk santu sira nian no mos Nain Feto nian, tenki hananu knananuk Eukaristia nian ka Na'i nia knananuk. Tempu komunga Jezús mak tenki sai sentru, laos ema.
- f. Knananuk *Ordinarium* tenki usa testu be los.
- g. Hamoris no uza musika lian Latin no Gregoriano

Objetivu

Pre-adolexente sira komprende koor no tempu liturjia nian

Pre-adolexente sira hatene koor no tempu Liturjia nian

Pre-adolexente sira moris tuir no prepara an ba tempu liturjia ida-idak

NA'I LIURAI RAI HOTU NIAN

36

Na'i liurai rai hotu nian, ami hana'i Ita Boot;

Na'i Liurai ami nian, Ita nia ukun rohan laek.

1. Na'i Maromak laran luak. Nia soi ita tan nia domin, no fo mai ita moris rohan laek.
2. Ami hakat ba Ita uma atu hananu no harohan; ami hahi no agradese ita nia kmanek wain.

Jogu hatan perguntas

³³Ne'e duni, Pilatos tama fali ba uma laran. Nia bolu Jesus hodi husu ba Nia: "O Judeu sira nia liurai?" ³⁴Jesus hatan: "O rasik dehan buat ne'e, ka ema seluk mak dehan ba o kona ba Ha'u?" ³⁵Pilatos simu hikas dehan: "Ha'u ema Judeu ida? O nia povu no amlulik boot sira mak saran O ba ha'u. O halo sa ida?" ³⁶Jesus hatan: "Ha'u nia reinu la'os raiklaran ne'e nian. Ha'u nia reinu raiklaran ne'e nian karik, Ha'u nia emar sira sei halo funu atu Ha'u la bele monu ba Judeu sira nia liman. Maibe, Ha'u nia reinu la'os raiklaran ne'e nian. ³⁷Pilatos dehan ba Nia: "Ne'e sa o liurai duni?" Jesus hatan: "O mak dehan katak Ha'u liurai. Tan ne'e mak Ha'u moris, no tan ne'e mak Ha'u mai iha mundu, atu fo sasin ba lialos. Ema hotu lialos nian rona Ha'u nia lia."

Evanjellu hato'o mai ita problema boot ida kona ba, Jezús nu'udar liurai. Ema sira be moris iha Jezús nia tempu ka moris hamutuk ho Jezús iha ninia tempu, la simu liu wainhira sira rona katak Jezús nu'udar Liurai. Iha ema balun, fiar no laran metin iha Jezús, nune'e sira be laran moras ne'e lori Jezús ba Pilatos atu tesi lia ba Nia. Ita mos keta halo nune'e, laran moras ba ema lori nia ba tribunal ka lori lia bosok hodi kesar ba ema seluk.